



JAVNA USTANOVA
DOM ZDRAVLJA
ZAVIDOVIĆI

Gazi Husrev-begova 25
tel. (032) 878-877
fax (032) 879-088
e-mail: polikzav@bih.net.ba
web : www.dzzavidovici.ba
Identifikacioni broj: 4218122690008
PDV broj: 218122690008

Žiro računi : ASA Banka d.d. Sarajevo : 134030000007482
Raiffeisen bank d.d. BiH Sarajevo – filijala Zenica : 1610550009120069

UPRAVNI ODBOR

Broj:01-2.16-1260/23

Datum:31.3.2023. godine

Upravni odbor JU «Dom zdravlja» Zavidovići na osnovu člana 38. Statuta JU «Dom zdravlja» Zavidovići i člana 70. i 89., a u vezi sa članom 72. stav 3. tačka f) Zakona o javnim nabavkama („Službeni glasnik Bosne i Hercegovine“, broj: 39/14 i 59/22), na svojoj 47. sjednici održanoj dana 31.03.2023. godine, donosi

ODLUKU

o izboru najpovoljnijeg ponuđača
za nabavku papirnih potrepština – LOT 1 - Fascikli i registratori

Član 1.

Okvirni sporazum za nabavku papirnih potrepština – LOT 1 - Fascikli i registratori za JU «Dom zdravlja» Zavidovići u količini potrebnoj za 12 mjeseci, dodjeljuje se ponuđaču **R & S D.O.O. Sarajevo**, kao drugorangiranom ponuđaču.

Član 2.

Okvirni sporazum za nabavku papirnih potrepština – LOT 1 - Fascikli i registratori za JU «Dom zdravlja» Zavidovići u količini potrebnoj za 12 mjeseci, dodjeljuje se ponuđaču iz prethodnog člana kao drugorangiranom ponuđaču, u skladu sa članom 72. stav 3. tačka f) Zakona o javnim nabavkama, jer je ponuđač **DEFTER D.O.O. Sarajevo**, kome je prethodno donesenom Odlukom o izboru najpovoljnijeg ponuđača za nabavku papirnih potrepština – LOT 1 - Fascikli i registratori, broj: **01-2.16-856/23** od 10.03.2023. godine, kao prvorangiranom ponuđaču dodijeljen ugovor o nabavci papirnih potrepština – LOT 1 - Fascikli i registratori, dana 23.03.2023. godine, dostavio pismenu obavijest kojom je odbio da potpiše ugovor pod uslovima navedenim u tenderskoj dokumentaciji i ponudi koju je ponuđač dostavio.

Član 3.

Ponuda ponuđača R & S D.O.O. Sarajevo, u provedenom konkurentskom zahtjevu za dostavu ponuda bila je prihvatljiva ponuda i nakon provedene e-aukcije, a po odbijanju okvirnog sporazuma od strane ponuđača DEFTER D.O.O. Sarajevo, imala je najnižu cijenu, te će se ovom ponuđaču ponuditi Okvirni sporazum za nabavku papirnih potrepština – LOT 1 - Fascikli i registratori za JU «Dom zdravlja» Zavidovići u količini potrebnoj za 12 mjeseci, u ukupnom iznosu od 802,50 KM bez PDV-a, što sa PDV-om iznosi 938,93 KM.

Član 4.

Ponuda ponuđača AERO-EXCLUSIVE d.o.o. Sarajevo, odbacuje se kao neprihvatljiva shodno članu 68. stav (4) tačka i), jer ponuda nije potpuna i ne ispunjava zahtjeve iz tenderske dokumentacije

Član 5.

Izabrani ponuđač će morati dostaviti original ili ovjerenu fotokopiju kvalifikacione dokumentacije u roku od 8 dana, od dana zaprimanja ove odluke, a kako je to navedeno u tenderskoj dokumentaciji i to:

- a) uvjerenje Suda BiH i suda prema sjedištu pravnog lica, kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca,
- b) uvjerenje nadležnog suda ili organa uprave kod kojeg je registrovan ponuđač kojim se potvrđuje da nije pod stečajem niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti,
- c) uvjerenja nadležnih institucija kojim se potvrđuje da je ponuđač izmirio dospjele obaveze za doprinose za penzijsko i invalidsko osiguranje i zdravstveno osiguranje.
- d) uvjerenja nadležnih institucija da je ponuđač izmirio dospjele obaveze u vezi sa plaćanjem direktnih i indirektnih poreza.

Član 6.

Izabrani ponuđač ne mora dostavljati ovjerene fotokopije sljedeće kvalifikacione dokumentacije:

- a) rješenje o registraciji ili aktuelni izvod iz sudskog registra.

Član 7.

Izabrani ponuđač ne mora dostavljati dokumentaciju iz člana 6. ove Odluke iz razloga jer je uz svoju ponudu dostavio ovjerenu fotokopiju sljedeće dokumentacije:

- a) Aktuelni izvod iz sudskog registra, broj: 065-0-RegZ-23-000131 od 06.01.2023. godine – ovjerena fotokopija 07.02.2023. godine.

Dokumentacija iz stava 1. ovog člana evidentirana je u Zapisniku o pregledu i ocjeni ponuda, broj: 01-2.13-724/23, a u podtački 2.3. tenderske dokumentacije, broj: 01-2.12-291/23 od 10.02.2023. godine, propisano je da ponuđač može u ponudi dostaviti ovjerenu fotokopiju dokumentacije iz podtački 2.1. i 2.2. ove tenderske dokumentacije, te u

slučaju da bude odabran kao najpovoljniji ponuđač ne mora ponovo dostavljati ovjerenu fotokopiju dokumentacije.

Član 8.

Donošenjem ove odluke stavlja se van snage Odluka o izboru najpovoljnijeg ponuđača za nabavku papirnih potrepština – LOT 1 - Fascikli i registratori, broj: 01-2.16-856/23 od 10.03.2023. godine

Član 9.

Ova odluka stupa na snagu danom donošenja.

Obrazloženje

Obavještenjem o nabavci br. **638-7-1-47-3-32/23** koje je objavljeno na portalu javnih nabavki dana **10.02.2023.** godine i u „Službenom glasniku BiH“, broj: 11/23 od 17.02.2023. godine, pokrenut je konkurentski zahtjev za dostavljanje ponuda za nabavku papirnih potrepština – LOT 1 - Fascikli i registratori, za JU «Dom zdravlja» Zavidovići za 12 mjeseci.

Tendersku dokumentaciju za predmetnu nabavku sa portala javnih nabavki preuzelo je 9 ponuđača i to: EKAPIJA DOO, R&S D.O.O. SARAJEVO, BBS EUROPE, DEFTER DOO SARAJEVO, ALPER GROUP DRUŠTVOZA PROIZVODNJU, TRGOVINU I USLUGE D.O.O. SARAJEVO, KEMAX DOO, AERO EXCLUSIVE DOO, LASS DOO I DI-NAMIK D.O.O. ZAVIDOVIĆI, UL STJEPANA RADICA BB.

Na adresu JU «Dom zdravlja» Zavidovići, za nabavku papirnih potrepština za JU «Dom zdravlja» Zavidovići za 12 mjeseci – LOT 1 - Fascikli i registratori, dostavljene su tri ponude i to: AERO -EXCLUSIVE d.o.o. Sarajevo, DEFTER D.O.O. Sarajevo i R&S D.O.O. Sarajevo.

Komisija za javne nabavke (u daljem tekstu: Komisija) izvršila je otvaranje ponuda dana 17.02.2023. godine u Sali za sastanke u JU «Dom zdravlja» Zavidovići u 15,00 sati, kao što je naznačeno u tenderskoj dokumentaciji.

Nakon pregleda dostavljene dokumentacije Komisija za javne nabavke utvrdila je da dvije ponude odgovaraju uslovima iz tenderske dokumentacije, odnosno da su prihvatljive ponude, a da je jedna ponuda neprihvatljiva.

Neprihvatljivom je ocijenjena ponuda ponuđača **AERO-EXCLUSIVE d.o.o. Sarajevo.**

Ponuda ponuđača **AERO-EXCLUSIVE d.o.o. Sarajevo** neprihvatljiva je iz slijedećeg razloga:

U tenderskoj dokumentaciji, broj: 01-2.12-291/23 od 10.02.2023. godine u tački „14. GARANCIJA ZA DOBRO IZVRŠENJE POSLA“ između ostalog, propisano je:

„ Ponuđač je obavezan u ponudi dostaviti:

Izjavu ponuđača da će ukoliko njegova ponuda bude odabrana kao najpovoljnija, dostaviti, u roku od **15 dana** od dana zaključivanja/obostranog potpisivanja okvirnog sporazuma,

garanciju za uredno izvršenje ugovora u iznosu od 10% od vrijednosti okvirnog sporazuma. Izjava se dostavlja u originalu i mora biti ovjerena pečatom i potpisana od strane ovlaštene osobe privrednog subjekta. Navedena izjava se daje u skladu s obrascem iz Aneksa 9 „Izjava o garanciji za uredno izvršenje ugovora“, koji čini sastavni dio ove tenderske dokumentacije. Izjava se dostavlja u originalu i mora biti ovjerena pečatom i potpisana od strane ovlaštene osobe ponuđača.

Garancija za uredno izvršenje ugovora čini dokument bezuslovne bankarske garancije, čeka, mjenice ili gotovina u novcu, ili bankovni transfer, u iznosu od 10% od vrijednosti okvirnog sporazuma.

Ponuđač ima pravo odabrati koji oblik garancije za uredno izvršenje ugovora će koristiti, ali u izjavi koju će dostaviti u ponudi mora precizirati za koji oblik garancije se odlučio.”

Dakle, shodno tački „14. GARANCIJA ZA DOBRO IZVRŠENJE POSLA“ Tenderske dokumentacije, ponuđač je imao pravo odabrati koji oblik garancije za uredno izvršenje ugovora će koristiti, ali u Izjavi o garanciji za uredno izvršenje ugovora na obrascu Aneksa 9, koja se dostavlja u ponudi, **morao je precizirati za koji oblik garancije se odlučio.**”

Imenovani ponuđač nije precizirao koji oblik garancije će koristiti za uredno izvršenje ugovora. Naime, ponuđač je dostavio obrazac Aneksa 9 u kojem je popunio sve podatke, osim oblika garancije će koristiti za uredno izvršenje ugovora.

U Tenderskoj dokumentaciji, u tački „4. PRIPREMA PONUDA“, podtačka 4.1., propisano je da ponuda mora sadržavati:

„j) Izjavu ponuđača da će ukoliko njegova ponuda bude odabrana kao najpovoljnija, dostaviti, u roku od 15 dana od dana zaključivanja/obostranog potpisivanja ugovora, garanciju za uredno izvršenje ugovora – ANEKS 9”.

Također, u podtački 4.1. Tenderske dokumentacije, istaknuto je da će, u slučaju da se u ponudi ne dostavi navedena dokumentacija ili se ne dostavi na način kako je to traženo tenderskom dokumentacijom, ponuđač biti isključen iz daljeg učestvovanja u postupku javne nabavke.

Obzirom da je ”Izjava ponuđača da će ukoliko njegova ponuda bude odabrana kao najpovoljnija, dostaviti, u roku od 15 dana od dana zaključivanja/obostranog potpisivanja ugovora, garanciju za uredno izvršenje ugovora – ANEKS 9”, jedan od obaveznih dokumenata propisanih tenderskom dokumentacijom, te da ponuđač AERO -EXCLUSIVE d.o.o. Sarajevo nije istu dostavio na način kako je propisano Tenderskom dokumentacijom, tj. tačkom „14. GARANCIJA ZA DOBRO IZVRŠENJE POSLA“, imenovani ponuđač se isključuje iz daljeg učestvovanja u postupku javne nabavke

Imajući u vidu izneseno, komisija je utvrdila da ponuđač AERO -EXCLUSIVE d.o.o. Sarajevo, u ponudi nije dostavio sve tražene dokumente na način kako je propisano tenderskom dokumentacijom.

Usljed utvrđenog činjeničnog stanja, ponuda ponuđača AERO -EXCLUSIVE d.o.o. Sarajevo, odbačena je shodno članu 68. stav (4) tačka i), jer ponuda nije potpuna i ne ispunjava zahtjeve iz tenderske dokumentacije.

U ovom postupku nabavke predviđeno je provođenje e-aukcije.

E-aukcija je način provođenja dijela postupka javne nabavke, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu e-Nabavke.

Nakon pregleda i ocjene ponuda za nabavku papirnih potrepština za JU «Dom zdravlja» Zavidovići za 12 mjeseci – LOT 1 - Fascikli i registratori, utvrđeno je da su dvije ponude prihvatljive, usljed čega je ispunjen uslov za zakazivanje e-aukcije u sistemu e-Nabavke u skladu sa Pravilnikom o uslovima i načinu korištenja e-aukcije („Službeni glasnik BiH“, broj 66/16 od 06.09.2016. godine).

Prvobitni rang ponuđača koji je utvrđen na osnovu cijena iz ponuda i na osnovu kojeg je i zakazana e-aukcija bio je sljedeći:

Ponuđač:	DEFTER D.O.O. Sarajevo	R&S D.O.O. Sarajevo	Najniža vrijednost ponude
Ukupan iznos bez PDV	877,50	899,50	877,50
Rang	1	2	

Nakon održane e- aukcije, ugovorni organ iz sistema e-nabavke, preuzeo je izvještaj o toku i završetku e-aukcije **06.03.2023. godine u 10:21 sati**, te je nakon okončane e-aukcije nastavio rad na ocjeni ponuda u ovom postupku.

Iz izvještaja se može utvrditi da su u toku e-aukcije podnošene nove ponude, te da je nakon okončane e-aukcije prvorangirani ponuđač **DEFTER D.O.O. Sarajevo** sa najnižom cijenom ponude u iznosu **800,00 KM bez PDV-a**, a drugi po rangju je ponuđač **R&S D.O.O. Sarajevo**, sa ukupnom cijenom ponude u iznosu od **802,50 KM bez PDV-a**.

Cijeneći pravilnost provedenog konkurentskog zahtjeva za dostavu ponuda za nabavku papirnih potrepština LOT 1 - Fascikli i registratori za JU «Dom zdravlja» Zavidovići u količini potrebnoj za 12 mjeseci, te datu preporuku od strane Komisije za javne nabavke, Upravni odbor JU «Dom zdravlja» Zavidovići, na osnovu člana 38. Statuta JU «Dom zdravlja» Zavidovići i člana 70. Zakona o javnim nabavkama Bosne i Hercegovine („Službeni glasnik Bosne i Hercegovine“, broj: 39/14 i 59/22), na svojoj 45. sjednici održanoj dana 10.03.2023. godine, donio je Odluku o izboru najpovoljnijeg ponuđača za nabavku papirnih potrepština LOT 1 - Fascikli i registratori, broj: 01-2.16-856/2, kojom je Okvirni sporazum za nabavku papirnih potrepština LOT 1 - Fascikli i registratori za JU «Dom zdravlja» Zavidovići u količini potrebnoj za 12 mjeseci, dodjelio ponuđaču **DEFTER D.O.O. Sarajevo**.

Nakon prijema Odluke o izboru najpovoljnijeg ponuđača, ponuđač **DEFTER D.O.O. Sarajevo**, u roku od od 8 dana, od dana zaprimanja ove odluke **dostavio je** ovjerenu fotokopiju kvalifikacione dokumentacije, a kako je traženo u tenderskoj dokumentaciji i to:

b) uvjerenje Suda BiH i suda prema sjedištu pravnog lica, kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca,

b) uvjerenje nadležnog suda ili organa uprave kod kojeg je registrovan ponuđač kojim se potvrđuje da nije pod stečajem niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti,

c) uvjerenja nadležnih institucija kojim se potvrđuje da je ponuđač izmirio dospjele obaveze za doprinose za penzijsko i invalidsko osiguranje i zdravstveno osiguranje i

d) uvjerenja nadležnih institucija da je ponuđač izmirio dospjele obaveze u vezi sa plaćanjem direktnih i indirektnih poreza.

Nakon dostave kvalifikacione dokumentacije ispunjen je uslov za zaključivanje Okvirnog sporazuma, te je izabranom ponuđaču dana 17.03.2023. godine upućen Okvirni sporazum za nabavku roba – **papirne potrepštine –LOT 1– FASIKLI I REGISTRATORI** za JU „Dom zdravlja“ Zavidovići, broj: 01-2.20-952/23 od 17.03.2023.godine,koji je isti zaprimio 20.03.2023. godine.

Dana 23.03.2023. godine, ponuđač **DEFTER D.O.O. Sarajevo**, putem e-maila , dostavio je JU Dom zdravlja Zavidovići obavijest da je zaprimio Okvirni sporazum za nabavku roba – **papirne potrepštine –LOT 1– FASIKLI I REGISTRATORI** za JU „Dom zdravlja“ Zavidovići, broj: 01-2.20-952/23.

U istom aktu obavijestio je ovu ustanovu da je spreman potpisati okvirni sporazum i pristupiti realizaciji istog u opciji da za potpisivanje Okvirnog sporazuma nije uslov dostavljanje garancije za uredno izvršenje ugovora.

U svojoj obavijesti naveo je da je vrijednost ugovora 800,00 KM + PDV i da je profitna marža na istom vrlo mala tako da u opciji izdavanja bankovne garancije, troškovi bankovne garancije prelaze vrijednost razlike u cijeni.

Nakon prijema predmetne obavijesti, Komisija za javne nabavke razmotrila je dostavljenu obavijest i utvrdila da je tenderskom dokumentacijom u konkurentskom zahtjevu za dostavu ponuda za nabavku papirnih potrepština br. 01-2.12-291/23 od 10.02.2023. godine u tački **14. GARANCIJA ZA DOBRO IZVRŠENJE POSLA propisano slijedeće:**

„Ponuđač je obavezan u ponudi dostaviti:

Izjavu ponuđača da će ukoliko njegova ponuda bude odabrana kao najpovoljnija, dostaviti, u roku od **15 dana** od dana zaključivanja/obostranog potpisivanja okvirnog sporazuma, garanciju za uredno izvršenje ugovora **u iznosu od 10%** od vrijednosti okvirnog sporazuma. Izjava se dostavlja u originalu i mora biti ovjerena pečatom i potpisana od strane ovlaštene osobe privrednog subjekta. Navedena izjava se daje u skladu s obrascem iz Aneksa 9 „Izjava o garanciji za uredno izvršenje ugovora“, koji čini sastavni dio ove tenderske dokumentacije. Izjava se dostavlja u originalu i mora biti ovjerena pečatom i potpisana od strane ovlaštene osobe ponuđača.

Garancija za uredno izvršenje ugovora čini dokument **bezuslovne bankarske garancije, čeka, mjenice ili gotovina u novcu, ili bankovni transfer, u iznosu od 10%** od vrijednosti okvirnog sporazuma.

Ponuđač ima pravo odabrati koji oblik garancije za uredno izvršenje ugovora će koristiti, ali u izjavi koju će dostaviti u ponudi mora precizirati za koji oblik garancije se odlučio.”

Dalje je utvrđeno da je ponuđač **DEFTER D.O.O. Sarajevo** u svojoj ponudi za nabavku papirnih potrepština –LOT 1– FASIKLI I REGISTRATORI dostavljenoj 21.02.2023.godine, priložio popunjen **OBRAZAC IZJAVE O DOSTAVI GARANCIJE ZA UREDNO IZVRŠENJE UGOVORA - ANEKS 9**, te je u istoj naveo da će garanciju za uredno izvršenje ugovora dostaviti u obliku **bezuslovne bankarske garancije**.

Slijedom uslova nabavke propisanim u tenderskoj dokumentaciji i okončane procedure javne nabavke, utvrđeno je da je ponuđač dužan dostaviti garanciju za uredno izvršenje ugovora u obliku **bezuslovne bankarske garancije u iznosu od 10%** od vrijednosti okvirnog sporazuma, kao što je navedeno i u članu 9. Okvirnog sporazuma za nabavku roba – **papirne potrepštine –LOT 1– FASIKLI I REGISTRATORI**, broj: 01-2.20-952/23, te da nije moguće mijenjati uslove za zaključivanje Okvirnog

sporazuma/Ugovora o nabavci , u odnosu na uslove propisane u tenderskoj dokumentaciji br. 01-2.12-291/23 od 10.02.2023. godine.

Dalje, u istom članu 9. Okvirnog sporazuma propisano je i to da u slučaju da ponuđač ne dostavi garanciju za uredno izvršenje ugovora, zaključeni okvirni sporazum se smatra apsolutno ništavnim. U tom slučaju ugovorni organ će ponuditi zaključivanje okvirnog sporazuma drugorangiranom ponuđaču.

Članom 72. stav 3. tačka f) Zakona o javnim nabavkama, propisano je da ugovorni organ dostavlja prijedlog ugovora onom ponuđaču čija je ponuda po rang listi odmah nakon ponude najuspješnijeg ponuđača, u slučaju da najuspješniji ponuđač odbije zaključiti ugovor pod uslovima navedenim u tenderskoj dokumentaciji i ponudi koju je dostavio.

Na osnovu utvrđenog činjeničnog stanja u kojem je ponuđač odbio da potpiše ugovor pod uslovima navedenim u tenderskoj dokumentaciji i ponudi koju je ponuđač dostavio, te ujedno i propustio rok od dva dana u kojem je trebalo da potpiše dostavljeni okvirni sporazum, Komisija za javne nabavke je u skladu sa članom 72. stav 3. tačka f) Zakona o javnim nabavkama , predložila da Upravni odbor donese novu odluku o izboru ponuđača za nabavku papirnih potrepština –LOT 1– FASCIKLI I REGISTRATORI, kojom će se Okvirni sporazum dodijeliti ponuđaču čija je ponuda po rang listi – odmah nakon ponude najuspješnijeg ponuđača, što je u predmetnom slučaju ponuđač R & S D.O.O. Sarajevo sa ukupnom cijenom ponude u iznosu od 802,50 KM bez PDV-a, što sa PDV-om iznosi 938,93 KM.

Cijeneći pravilnost provedenog konkurentskog zahtjeva za dostavljanje ponuda za nabavku papirnih potrepština – LOT 1 - Fascikli i registratori, za JU «Dom zdravlja» Zavidovići za 12 mjeseci, te datu preporuku od strane Komisije za javne nabavke odlučeno je kao u dispozitivu ove Odluke.

PRAVNA POUKA: Protiv ove odluke može se izjaviti žalba u roku od 5 dana od dana prijema ove odluke.

Žalba se izjavljuje Uredu za razmatranje žalbu putem ugovornog organa u pisanoj formi direktno, elektronskim putem ako je elektronsko sredstvo definisano kao način komunikacije u tenderskoj dokumentaciji ili preporučenom poštanskom pošiljkom u najmanje tri primjerka.

DOSTAVLJENO:

1. Defter d.o.o. Sarajevo
2. R&S d.o.o. Sarajevo
3. Aero-exclusive d.o.o. Sarajevo
4. a/a

**PREDSJEDNIK
PRAVNOG ODBORA:**
Elvir, dipl. pravnik

